



AÐGERÐAÁÆTLUN SVEITARFÉLAGSINS HORNAFJARÐAR

Aðgerðir sveitarfélagsins

vegna COVID-19

1. útgáfa – 12. mars 2020

Áætlunin er sett með stoð í viðbragðsáætlun sveitarfélagsins

og

tilkynningar til íbúa um ráðstafanir og

þjónustustig hjá sveitarfélaginu

Efnisyfirlit

Tilfnið	2
Samhengi.....	2
Tilkynningar um ráðstafanir og þjónustustig	3
Fyrir eldri borgara	4
Dagdvöl eldri borgara:.....	4
Félagsstarf eldri borgara:.....	4
Handavinna eldri borgara	5
Kór eldri borgara	5
Þjónusta og starfsemi á vegum sveitarfélagsins.....	5
Opnunartími og heimsóknir	6
Fundir	7
Eldhús, kaffi og veitingar	7
Hreinlæti og merkingar	7
Fjarvinna	8
Ferðalög	8
Annað - starfsfólk	8
Frekari upplýsingar	9
Gögn og upplýsingar annarra	9

Tilefnið

Almannavarnir hafa lýst yfir neyðarstigi vegna COVID-19 veirunnar. Stjórnendur sveitarfélagsins leggja sig fram við að fylgjast vel með þróun mála. Viðbrögð við stöðunni eru ítrekað endurmetin, sem og ráðstafanir sveitarfélagsins, út frá tilkynningum og leiðbeiningum almannavarna og landlæknis.

Byggt er á þeim forsendum, að aðgerðir almannavarna og landlæknis snúist núna fyrst og fremst um að hægja á dreifingu veirunnar og verja þau fyrir veirunni sem eru viðkvæmust fyrir, t.d. eldra fólk og þau sem hafa undirliggjandi sjúkdóma.

Meginreglan hjá sveitarfélaginu er sú að nálgast viðfangsefnið af yfirvegum og fylgja eftir öllum tilmælum yfirvalda, eins og almannavarna og landlæknisembættis. Af frekari varúðarráðstöfunum og með tilliti til aðstæðna í okkar byggðarlagi er gengið lengra þegar ástæða er talin til. Forsendur kunna að breytast hratt.

Samhengi

Gefin var út **viðbragðsáætlun** sveitarfélagsins við heimsfaraldri af völdum COVID-19, 1. útgáfa, 13. mars 2020. [Sjá hér á vef sveitarfélagsins.](#)

Til að fylgja eftir viðbragðsáætluninni hafa stjórnendur sveitarfélagsins sett saman **aðgerðaáætlun**, til leiðbeiningar fyrir stjórnendur og starfsfólk. Í henni eru skilgreindar þær **ráðstafanir** sem gerðar eru í stofnunum og starfsemi sveitarfélagsins til að (a) varna sem mest útbreiðslu og draga úr áhrifum veirunnar og (b) undirbúa skerta starfsemi, en með sem minnstri röskun, miðað við aðstæður. **Aðgerðaáætlunin er í stöðugri endurskoðun.**

Þær ráðstafanir sem snerta beint notendur þjónustunnar og íbúa verða svo birtar opinberlega sem tilkynningar.



Tilkynningar um ráðstafanir og þjónustustig

Allar tilkynningar og ráðstafanir verða birtar á vef sveitarfélagsins.

Fyrir eldri borgara

Dagdvöl eldri borgara:

Forsendan er sú að vernda hópinn sem er í mestri áhættu fyrir smiti vegna Covid-19, skv. leiðbeiningum landlæknis. Það er m.a. gert með því að draga úr samgangi fólks og huga vel að því á hvernig stöðum/svæðum fólk kemur saman.

Í dagdvöl Ekrinni er þjónustunotendur í þeim hópi sem eru í mestri hættu. En að sama skapi eru þjónustunotendurnir líka viðkvæmir fyrir að dregið sé úr þjónustu við þá. Því mun dagdvöl Ekrunnar vera opinn þeim sem eru skráðir þjónustunotendur svo lengi sem unnt er.

Gerðar eru ráðstafanir í sóttvörnum sífelld yfir allan daginn eins og handþvott og sprittun fyrir allar máltíðir óháð því hver um ræðir. Allir snertifletir eru sótthreinsaðir mjög reglulega og baðherbergin yfirfarin og sprittuð jafn oft. Lokað er fyrir heimsóknir annarra en þeirra sem eru skráðir í þjónustuna.

Félagsstarf eldri borgara:

Félag eldri Hornfirðinga hefur lokað fyrir allt félagsstarf tímabundið eða á meðan þessu ástandi stendur. Stjórnin mun hvetja sína félagsmenn til að vera í reglubundnum samskiptum við hvort annað og hugsa um sína féлага. Það verður áfram hvatt til að halda gönguhópnum en gætt að 2 metra millibil milli fólks.

Þjónusta og starfsemi á vegum sveitarfélagsins

Opnunartími og heimsóknir

Tekið hefur verið fyrir utanaðkomandi heimsóknir í stofnanir og húsnæði sveitarfélagsins, nema í undantekningartilfellum. Það er í höndum forstöðumanna stofnana að sjá um

framkvæmd á þessu. Við óskum eftir góðri samvinnu og skilningi. Nánar tiltekið er um að ræða:

A. Algert bann, sem gildir um:

- **Eldhús leik- og grunnskóla:**
 - Aðgangur annarra en matráða, ræstingafólks, skólastjórnenda og umsjónarmanns fasteigna er bannaður.

B. Veruleg takmörkun; einungis notendur þjónustu

- **Leikskóli, grunnskóli, tónlistarskóli, Kátakot, íþróttahús, félagsmiðstöðin Þrykkjan:**
 - Nemendur fara ekki í heimsóknir í aðrar stofnanir um óákveðinn tíma. Gildir þó ekki um útiveru.
 - Engar heimsóknir utanaðkomandi aðila eru leyfðar.
 - Foreldrafundum er frestað um óákveðinn tíma eða sinnt í síma eða streymi.
 - Komur forráðamanna sem fylgja ungum börnum í og úr skóla verða endurskipulagðar af skólastjórnendum. Forráðamenn sýni aðgát.
 - Vöruhús verður eingöngu opið fyrir nemendur grunnskólans.
- **Hornafjarðarhöfn – hafnarvog**
 - Einungis viðskiptavinir með brýn erindi.
- **Ráðhús Hornafjarðar**
 - Afgreiðsla í ráðhúsi verður lokað frá og með 16. mars.
 - Engir innanhús fundir nema í fjarfundi.
 - Nefndarfundir haldnir í fjarfundi.
- **Menningarmiðstöð Hornafjarðar**
 - Svavarssafn lokað.
 - Bókasafn verður áfram opið, fylgt eftir tilmælum um stærð hópa og hreinlæti sinnt sérstaklega. Allar bækur sprittaðar sem er skilað inn og leigðar út.
- **Áhaldahús og slökkvistöð**
 - Einungis starfsfólk.

Kæru viðskiptavinir! Við hvetjum til samskipta í síma, tölvupósti eða fjarfundi. Sjá upplýsingar neðst í skjali.

Fundir

Eftirfarandi kafli var samþykktur af bæjarstjórn 12. mars 2020:

- Öllum fundum sem ekki þarf nauðsynlega að halda eða taka þátt í, skal sleppa.
- Fundi nefnda, ráða og bæjarstjórnar Hornafjarðar má halda sem fjarfundi, ef nauðsyn krefur, sbr. væntanlega breytingu á sveitarstjórnarlögum nr. 138/2011.
 - Leiðbeiningar um fjarfundi, fyrir starfsfólk, bæjarfulltrúa og nefndarfólk, verða gerðar aðgengilegar.
 - Fyrir vinnufundi og óformlega fundi má nýta síma-, eða fjarfundi.
- Starfsfólk sveitarfélagsins skal ekki taka þátt í fundum utanhúss, nema brýna nauðsyn beri til. Ávallt skal þó leita eftir því að taka þátt gegnum fjarfund.

Eldhús, kaffi og veitingar

- Leiðbeiningum almannavarnadeildar RLS og landlæknis fylgt.
- Matar- og kaffitímar (áhöld, aðferðir, frágangur) endurskipulagðir.
- Sameiginlegir kaffifundir með veitingum fyrir starfsfólk skulu ekki haldnir.
- Framboð af matvælum í ísskáp takmarkað við matvæli í lokuðum umbúðum (skyr, jógúrt, lokaðar fernur og flöskur, o.s.frv.) Matur starfsfólks sé í lokuðum umbúðum.
- Nesti skólabarna. Fylgjum fyrirmælum landlæknis/almannavarna.

Hreinlæti og merkingar

- Leiðbeiningum almannavarnadeildar RLS og landlæknis fylgt.
- Hvetjum til hreinlætis, en þar skiptir handþvottur langmestu máli og sprittun. Handþvottur skal ávallt valinn, sé þess kostur, en um 25 sek þvottur með sápu skilar mestum árangri, skv. leiðbeiningum.

- Í stofnunum okkar skal hugað sérstaklega að góðu aðgengi til handþvottar og sprittunar, fyrir starfsfólk og notendur þjónustu.
- Að upplýsa og fræða: Hengja skal upp leiðbeiningar/hvatningu til handþvottar (fyrir starfsfólk og aðra) á viðeigandi stöðum og á nokkrum tungumálum (íslensku, ensku, pólsku hið minnsta).
- Forstöðumenn skulu sjá til þess að áherslur í þrifum verði endurskoðaðar og fara yfir það með starfsmönnum í ræstingu. Lögð áhersla á að þrifa (og spritta) sérstaklega vel alla snertifleti; s.s. handrið, hurðarhúna, stólarma, borð, tölvur, lyklaborð og mýs o.s.frv.

Fjarvinna

- Til þess getur komið að starfsfólk þurfi að vinna fjarvinnu, þ.e. í störfum þar sem það á við. Það gæti t.d. komið til vegna ráðstafana við að aðskilja starfsfólk og minnka samgang milli þess og/eða við viðskiptavini.
- Komi til þess að starfsfólk fari í sóttkví á það að starfa í fjarvinnu, eins og kostur er. Forstöðumaður ákveður, í samráði við starfsmann, hvaða viðfangsefnum starfsmaður á að sinna í fjarvinnu.
- Forstöðumenn stofnana gera ráðstafanir til undirbúnings, þannig að þetta sé hægt, í samræmi við fjárheimildir ársins eða bæjarstjóra, ef fara þarf umfram fjárheimildir.
- Starfsfólk er hvatt til að kynna sér aðgengilegar leiðbeiningar um fjarfundi.
- Það starfsfólk sem er með undirliggjandi sjúkdóma eða á nána aðstandendur með undirliggjandi sjúkdóma, sem ekki verður komist hjá að eiga dagleg samskipti við, er hvatt til að vinna heima sé þess kostur, komist útbreiðsla smits á það hátt stig að fólki sé þá veruleg hætta búin. Slíkt skal ákveðið í samráði við yfirmann.

Ferðalög

- Engar ferðir til útlanda verða á vegum sveitarfélagsins. Þetta gildir þangað til annað verður ákveðið.
- Starfsfólk er beðið um að upplýsa næsta stjórnanda um ferðalög sín á eigin vegum á næstunni. Sjá næsta kafla.

Annað - starfsfólk

- Förum eftir fyrirmælum landlæknis.
- Þau sem finna fyrir veikindum mæti ekki í vinnu og fari strax heim finni þau fyrir veikindum eftir að mætt er til vinnu. Starfsfólk sé hitalaust heima í tvo daga áður en mætt er til vinnu á ný.
- Smitist einstaklingur af Covid-19 ber að fylgja sér leiðbeiningum þess efnis.
- Yfirmenn veiti ekki tilfallandi frí nema til nauðsynlegra ferða s.s. læknisferða.
- Við mælumst til þess að starfsfólk sveitarfélagsins takmarki þátttöku sína í stærri viðburðum og mannamótum utan vinnu.
- Þau sem telja sig hafa verið í samskiptum við einstaklinga sem eru í sóttkví eða hafa fengið veiruna skulu vinna í fjarvinnu.
- Við heilsumst ekki með handabandi og sleppum allri snertingu.
- Sjá nánar í viðbragðsáætlun sveitarfélagsins.
- Um greiðslur til starfsfólks vegna veikinda og sóttkvíar vegna COVID-19, fer samkvæmt kjarasamningum og leiðbeiningum Sambands íslenskra sveitarfélaga dags. 2. mars 2020.

Frekari upplýsingar

Tilkynningar eru settar jafnóðum á vef sveitarfélagsins: <https://www.hornafjordur.is>

Við erum einnig á Facebook: <https://www.facebook.com/groups/916547521722722/>

Senda má fyrirspurn á netfangið afgreidsla@hornafjordur.is eða hringja í 470 8000 (ráðhús).

Þá er hægt að óska eftir og skila inn gögnum, svo og sækja um ýmsa þjónustu og leyfi á [íbúagátt](#) sveitarfélagsins.

Við bendum á símanúmerin og netföng á [heimasíðu](#) sveitarfélagsins.

Gögn og upplýsingar annarra

Minnt er á [vef landlæknis](#) þar sem nálgast má allar helstu upplýsingar um COVID-19 sem eru uppfærðar í rauntíma.

Upplýsingasíða um Covid-19 útbreiðslu á heimasíðunni www.covid.is

Almannavarnir - [vefur - upplýsingar um stöðu og framvindu mála, auk ráðlegginga.](#)

Almannavarnir hafa einnig gefið út [ráðleggingar um mannamót](#) með tilliti til faraldursins sem allir eru hvattir til að kynna sér.

[Samband íslenskra sveitarfélaga - ýmsar leiðbeiningar og handhægar upplýsingar á fleiri tungumálum.](#)

Bæjarstjóri Sveitarfélagsins Hornafjarðar